



Ilijaš, 18. 03. . 2020. godine

Stručna služba općinskog vijeća i općinskog načelnika

Na 39. sjednici Općinskog vijeća Ilijaš održanoj 26. 02. 2020. godine postavljena su sljedeća vijećnička pitanja i inicijative:

HALID DIZDAREVIĆ – vijećnik SDA

Inicijative:

1. Pokrećem inicijativu da se u 2020. godini pokuša obezbijediti kiosk tj. prodajno mjesto za prodaju mjesečnih karata i kupona od KJKP GRAS Sarajevo.

Obrazloženje: Na portalu ILIJAS.info je održana javna anketa sa pitanjem: Da li smatrate da je Ilijašu potrebno prodajno mjesto (kiosk) za prodaju mjesečnih karata i kupona od KJKP Gras Sarajevo?

Učestvovalo je 875 osoba koje su ostavile svoj odgovor. Rezultati ankete su javni i broj učesnika oslikava realan broj glasača. U nastavku pogledajte ankete:

#### ANKETA

Da li smatrate da je Ilijašu potrebno prodajno mjesto (kiosk) za prodaju mjesečnih karata i kupona od KJKP Gras Sarajevo?

DA (87%, 760 glasova)

NE (13%, 115 glasova)

Ukupno glasova: 875

Prodajno mjesto uveliko bi olakšalo kupovinu kupona svim stanovnicima Ilijaša koji koriste javni prevoz, a primorani su svoje kupone kupovati u Vogošći ili Sarajevu. Smatram da imamo dovoljno velik broj korisnika javnog prevoza da nam se obezbijedi prodajno mjesto koje bi kupone prodavalo/izdavalo nekoliko dana u mjesecu.

**Odgovor:** Inicijativa proslijeđena KJKP GRAS Sarajevo. Po dobijanju odgovora isti će biti dostavljen Općinskom vijeću.

2. Pokrećem inicijativu prema Ministarstvu saobraćaja Kantona Sarajevo da uspostavi autobusku liniju Ilijaš-Ilidža-Ilijaš koja bi sigurno bila opravdana obzirom da veliki broj građana i studenata radi i studira upravo na navedenoj lokaciji.

Na mnogim prethodnim sjednicama smo pokretali ovu vrstu inicijative i nikada nismo dobili pozitivan odgovor. Ova linija bi uveliko olakšala odlazak građanima na Stup, Ilidžu itd. To bi bila jutarnja i popodnevna linija.

**Odgovor:** Inicijativa proslijeđena nadležnom ministarstvu-**Ministarstvu saobraćaja Kantona Sarajevo**. Po dobijanju odgovora isti će biti dostavljen Općinskom vijeću.

MEHO DŽINDO – samostalni vijećnik

Pitanje:

Postavljam pitanje Službi za privredu i finansije.

U proljeće prošle godine zasađene su sadnice u užem jezgru grada što je veoma pohvalno, jer nam zelenila nikad ne može biti dosta. Zasađene su pretežno breze, smrče, jele i pojedine vrste ukrasnog grmlja. Većina tih sadnica se nije ni primila, a tokom godine i dobar broj njih se u potpunosti osušio. Presađivanje ovih sadnica je vršilo KJKP "Park" Sarajevo koje ima djelatnost za ove poslove. Zato postavljam pitanje kolika je ovom preduzeću isplaćena naknada za ovu uslugu i da li je predviđeno Ugovorom da to preduzeće ima obavezu da ponovo zasađi sadnice na onom mjestu gdje se nalaze osušene sadnice?

**Odgovor:**

Općina Ilijaš u 2019. godini nije vršila ugovaranje sadnje ukrasnog bilja u užem gradskom jezgru sa KJKP "PARK", pa prema tome nije ni bilo isplata u korist KJKP "PARK" za ovu vrstu usluga iz Budžeta za 2019. godinu.

Napomena : Realizacija i praćenje ove vrste projekata je u nadležnosti Službe za saobraćaj i stambeno-komunalne poslove .

AKIF BEŠLIJA – vijećnik SBB-a

Inicijative:

1. Pokrećem inicijativu prema nadležnoj općinskoj službi da se izvrši zamjena više sijalica ulične rasvjete na potezu od raskrsnice za Mrakovo, pa do Podlugova.

Obrazloženje: Radi se o tome da na donici puta od raskrsnice za Mrakovo, pa do Podlugova ne radi više sijalica ulične rasvjete, te je potrebno iste zamjeniti u što kraćem vremenskom roku s obzirom da se radi o jako frekventnoj dionici puta.

**Odgovor:** Po izgradnji javne rasvjete Općina Ilijaš vrši primopredaju izgrađene javne rasvjete **Ministarstvu komunalne privrede i infrastrukture Kantona Sarajevo** koje je nadležno za njeno održavanje i funkcionisanje.

Inicijativa je proslijeđena u nadležno ministarstvo , a po dobijanju odgovora isti će se proslijediti OV Ilijašu.